


KONTSUMITZAILEEN KONFIANTZA

Konfiantza okertu egin da familien artean eta hobetu enpresetan

Familien konfiantza indizea



EAEko familien konfiantza indizeak, 2019ko hirugarren hiruhilekoan, beherakada nabarmena izan zuen -5eko baliora iritsi arte, hau da, 8 puntuko galera izan du aurreko hiruhilekoarekin alderatuta. Indizea balio negatibotara itzuli da, bederatzi hiruhilekotan jarraian eremu positiboan egon ondoren. Ekonomiaren moteltzea, eze-gonkortasun politikoa, Brexita eta muga zergen gerra bezalako elementuak kontsumitzaileen konfiantza oztopatzen duten faktoreak dira. Ezkortasunera itzultze hori Estatuko gainerako lurraldeetako eta Europar Batasuneko familien artean ere gertatu da.


Indizearen okertzea orokorra izan da osagai guztietan, baina bereziki handia da ekonomia orokorraren bilakaerari eta langabeziari buruzko igurikimenen narriadura, bi kasuetan hamar puntu baino gehiago galtzen baitute.

FAMILIEN KONFIANTZA INDIZEA

	2017	2018	2018			2019		
			II	III	IV	I	II	III
Familien konfiantza	1	1	2	-0,5	3	2	3	-5
Ekonomia orokorra	6	3	3	1	3	2	3	-10
Familien ekonomia	-5	-4	-3	-4	-2	1	0	-2
Langabeziaren bilakaera	12	10	15	5	7	4	8	-7
Aurrezteko ahalmena	-10	-5	-7	-5	3	-1	4	0
Prezioen bilakaera	-17	-23	-18	-23	-25	-17	-17	-16
Erosteko gunea	-3	-9	-11	-15	-7	-2	-3	-6
Erosteko igurikimena	-7	-6	-6	-5	-8	3	-2	-2

Iturria: Laboral Kutxa.

Enpresarien konfiantza indizea



Bestalde, Laboral Kutxak argitaratutako enpresen konfiantza indizea 52,0an kokatu da 2019ko laugarren hiruhilekoan. Datu horrek esan nahi du igoera txiki bat izan duela aurreko hiruhilekoarekin alderatuta. 50 puntutik gora dagoenez, indizeak hedapen eremuan kokatuta jarraitzen du. Hala ere, EAEko enpresek ikuspegi nahiko baikorra dute 2019ko azken hilabeteetarako ekonomiaren bilakaerari buruz. Osagaien arabera, ekoizpen gaitasunari eta enplegu kopuruari eustea aurreikusten dute enpresaburuek. Beste aldagai batzuei dagokienez, enpresek egonkortasun bat nabarmentzen dute bezeroei kobratzeko epeetan eta bankuak finantzatzeko erraztasunean.

Enpresarien igurikimenak. 2019ko IV hiruhilekoa



Iturria: Laboral kutxa.